

Javna ustanova Opća bolnica
„Prim. dr. Abdulah Nakaš“
Upravni odbor
Broj: 44-1220- 196 /25
Sarajevo, 16.07.2025. godine

Na osnovu odredbi člana 17. Zakona o javnim nabavkama ("Službeni glasnik BiH" broj: 39/14, 59/22, 50/24), člana 20. Statuta Javne ustanove Opća bolnica „Prim. dr. Abdulah Nakaš“, člana 7. stav (3) Pravilnika o javnim nabavkama roba, usluga i radova u Javnoj ustanovi Opća bolnica „Prim. dr. Abdulah Nakaš“ broj 44-870-116/23 od 11.05.2023. godine i 44-450-129/24 od 05.08.2024. godine, člana 36. Poslovnika o radu Upravnog odbora broj 100-151/21 od 07.10.2021. godine, Upravni odbor na nastavku 36. (tridesetšeste) redovne sjednice i 66. (šezdesetšestoj) vanrednoj sjednici održanoj dana 16.07.2025. godine donio je

ODLUKU

o II Izmjenama i dopunama Plana nabavki Javne ustanove Opća bolnica „Prim. dr. Abdulah Nakaš“ za 2025. godinu

Član 1.

Ovom odlukom Upravni odbor Javne ustanove Opća bolnica „Prim. dr. Abdulah Nakaš“ utvrđuje II Izmjene i dopune Plana nabavki Javne ustanove Opća bolnica „Prim. dr. Abdulah Nakaš“ za 2025. godinu, kao u prilogu.

Član 2.

Odlukom o usvajanju Plana nabavki Javne ustanove Opća bolnica „Prim. dr. Abdulah Nakaš“ za 2025. godinu broj 44-1220-21/25 od 13.02.2025. godine, Upravni odbor Javne ustanove Opća bolnica „Prim. dr. Abdulah Nakaš“ usvojio je Plan nabavki Javne ustanove Opća bolnica „Prim. dr. Abdulah Nakaš“ za 2024. godinu, broj 44-1220-27/25 od 14.02.2025. godine.

Član 3.

Ova Odluka stupa na snagu danom donošenja a ista će, zajedno sa II Izmjenama i dopunama Plana nabavki za 2025. godinu, biti objavljena na Portalu javnih nabavki i na internet stranici Javne ustanove Opća bolnica „Prim. dr. Abdulah Nakaš“ (www.obs.ba).

O b r a z l o ž e n j e

Odlukom o usvajanju Plana nabavki Javne ustanove Opća bolnica „Prim. dr. Abdulah Nakaš“ za 2025. godinu broj 44-1220-21/25 od 13.02.2025. godine, Upravni odbor Javne ustanove Opća bolnica

„Prim. dr. Abdulah Nakaš“ usvojio je Plan nabavki Javne ustanove Opća bolnica „Prim. dr. Abdulah Nakaš“ za 2024. godinu, broj 44-1220-27/25 od 14.02.2025. godine.

Tokom realizacije Plana nabavki javile su se potrebe Javne ustanove Opća bolnica „Prim. dr. Abdulah Nakaš“ za nabavkom roba i usluga koje nisu planirane u osnovnom Planu nabavki, te je došlo i do izmjena pojedinih stavki osnovnog Plana nabavki. Shodno prednjem utvrđena je II Izmjena i dopuna Plana nabavki Javne ustanove Opća bolnica „Prim. dr. Abdulah Nakaš“ za 2025. godinu.

Naime, radi se o sljedećem:

ROBE

Stavka 1. Albumini

– Dodaje se stavka u iznosu od 876.000,00 KM obzirom da postoji potreba za predmetnom nabavkom zbog povećanog broja pacijenata, kako hospitaliziranih, tako i pacijenata kojima se pruža usluga putem Dnevne bolnice.

Za ovu nabavku će biti odobreno 876.000,00 KM i ista će biti provedena putem otvorenog postupka javne nabavke.

Stavka 2. C luk za ERCP kabinet

– Dodaje se stavka u iznosu od 550.000,00 KM za nabavku C luka za potrebe ERCP kabineta jer je RTG aparat koji se koristio za potrebe ERCP procedure ponovo u kvaru i više nije upotrebljiv za izvođenje ERCP procedure jer je star preko dvadeset godine, te fluroskopija koju načini nije upotrebljiva za prikazivanje bilijarnog stabla zbog izuzetno loše kvalitete slike.

Za ovu nabavku će biti odobreno 550.000,00 KM i ista će biti provedena putem otvorenog postupka javne nabavke.

Stavka 3. Baterije za RTG i UPS uređaje

– Dodaje se stavka u iznosu od 50.250,00 KM u skladu sa iskazanim potrebama za nabavkom baterija koje služe za napajanje na RTG i UPS uređajima.

Za ovu nabavku će biti odobreno 50.250,00 KM i ista će biti provedena putem otvorenog postupka javne nabavke.

Stavka 4. NIV maske (višekratne)

– Dodaje se stavka u iznosu od 25.500,00 KM za nabavku NIV višekratnih maski za potrebe Odsjeka za polivalentnu nehiruršku intenzivnu terapiju.

Za ovu nabavku će biti odobreno 25.500,00 KM i ista će biti provedena putem konkurentskog zahtjeva za dostavu ponuda.

Stavka 5. Licence za OWIS

– Dodaje se stavka u iznosu od 20.000,00 KM radi proširenja OWIS sistema na ostale korisnike radi prelaska na digitalnu internu komunikaciju.

Za ovu nabavku će biti odobreno 25.000,00 KM i ista će biti provedena putem konkurentskog zahtjeva za dostavu ponuda.

Stavka 6. Wi-Fi oprema

– Dodaje se stavka u iznosu od 6.000,00 KM za nabavku Wi-Fi opreme zbog ukazane potrebe na osnovu svakodnevnih zahtjeva a radi pacijenata koji su na liječenju.

Za ovu nabavku će biti odobreno 6.000,00 KM i ista će biti provedena putem direktnog sporazuma.

USLUGE

Stavka 7. Održavanje press kontejnera za komunalni otpad

– Dodaje se stavka u iznosu od 6.000,00 KM za održavanje press kontejnera, obzirom na starost kontejnera kojima Ustanova trenutno raspolaže, a kako ne bi došlo do nepredviđenih kvarova i problema u procesu upravljanja otpadom.

Stavka 8. Održavanje bolničkih vozila

– Izmjena stavke 322. iz Plana nabavki za 2025. godinu, na način da se predmet dijeli na lotove i povećava se procijenjena vrijednost nabavke za 3.000,00 KM, tako da ukupna procijenjena vrijednost iznosi 18.000,00 KM.

Za ovu nabavku će biti dodatno odobreno 3.000,00 KM, jer je ranije odobreno 15.000,00 KM.

Stavka 9. Održavanje bolničkih liftova


– Briše se stavka 371. iz Plana nabavki, a dodaje se ova stavka u kojoj se mijenja vrsta postupka, te je umjesto konkurentskog zahtjeva za dostavu ponuda predviđen otvoreni postupak i mijenja se okvirni datum pokretanja postupka.

Finansijska sredstva za ovu nabavku su ranije obezbijedena Planom nabavki za 2025. godinu u iznosu od 80.000,00 KM.

Gore navedene izmjene su izvršene u skladu sa Zakonom o javnim nabavkama („Službeni glasnik BiH“ broj 39/14, 59/22 i 50/24), kao i podzakonskim aktima.

Imajući u vidu sve naprijed navedeno odlučeno je kao u članu 1. ove Odluke.

Pripremila:
Aldijana Ećo Ajkunić, BA prava
Šef Odsjeka za javne nabavke



Predsjednik Upravnog odbora
Prim. dr. Sead Zeljo

DOSTAVITI:

- Upravni odbor
- Kabinet direktora
- Odjeljenje za ekonomsko-finansijske poslove
- Odsjek za javne nabavke